

সারাদেশ

শিশুর মাথায় পিস্তল ঠেকিয়ে ডাকাতি, বাধা দেওয়ায় যুবককে গুলি

প্রতিবেদক: কলাপাড়া (পটুয়াখালী) প্রতিনিধি

প্রকাশের তারিখ: রোববার, ৩০ আগস্ট ২০২৬, ০৫:২৩ PM



পটুয়াখালীর কলাপাড়ায় এক মালয়েশিয়াপ্রবাসীর বাড়িতে ডাকাতির ঘটনায় গুলিবিদ্ধসহ পরিবারের তিনজন আহত হয়েছেন। ডাকাতে প্রায় ২৫ ভরি স্বর্ণালংকার, দুই লাখ টাকা ও একটি আইফোন লুট করে নিয়ে গেছে বলে অভিযোগ পাওয়া গেছে।

শুক্রবার (১৪ আগস্ট) ভোররাত ৩টার দিকে উপজেলার টিয়াখালী ইউনিয়নের পশ্চিম বাদুরতলী গ্রামে প্রবাসী মাহিনের বাড়িতে এ ঘটনা ঘটে।

আহতরা হলেন প্রবাসীর ছেলে নাইম (২২), পুত্রবধূ রেজবি (১৮) ও স্ত্রী রুমা বেগম (৪০)। এ ছাড়া পরিবারের দুই বছর বয়সী শিশু তাসফিরের মাথায় পিস্তল ঠেকিয়ে ভয় দেখানো হয় বলে স্বজনরা জানিয়েছেন।

আহতদের স্বজন ও স্থানীয় সূত্রে জানা যায়, রাতের খাবার খেয়ে পরিবারের সদস্যরা ঘুমিয়ে পড়েন। রাত আড়াইটা থেকে ৩টার মধ্যে ৫-৬ জনের একটি ডাকাতদল বাড়ির দক্ষিণ পাশের জানালার গ্রিল কেটে ঘরে প্রবেশ করে। এ সময় আরও কয়েকজন বাইরে অবস্থান করছিল বলে জানা গেছে।

ঘরে ঢুকে ডাকাতেরা পরিবারের সদস্যদের হাত-পা বেঁধে মারধর করে। একপর্যায়ে রেজবিকে ধর্ষণের চেষ্টা করা হলে তার স্বামী নাইম বাধা দেন। এতে ডাকাতেরা নাইমের হাঁটুর ওপর গুলি করে বলে অভিযোগ করেছেন স্বজনেরা।

পরে ডাকাতেরা পরিবারের দুই বছর বয়সী শিশু তাসফিরের মাথায় পিস্তল ঠেকিয়ে ভয় দেখায়। এ সময় পরিবারের কাছ থেকে প্রায় ২৫ ভরি স্বর্ণালংকার, দুই লাখ টাকা ও একটি আইফোন লুট করে নিয়ে যায় তারা।

রুমা বেগম বলেন, তাঁর স্বামী বর্তমানে মালয়েশিয়ায় রয়েছেন। গভীর রাতে ডাকাতেরা বাড়িতে ঢুকে পরিবারের সদস্যদের মারধর ও হাত-পা বেঁধে মালামাল লুট করে নিয়ে যায়।

ঘটনার পর স্থানীয়রা আহতদের উদ্ধার করে কলাপাড়া হাসপাতালে নিয়ে যান। সেখানে প্রাথমিক চিকিৎসা শেষে তাঁদের উন্নত চিকিৎসার জন্য বরিশাল শের-ই-বাংলা মেডিকেল কলেজ হাসপাতালে পাঠানো হয়।

কলাপাড়া থানার ভারপ্রাপ্ত কর্মকর্তা (ওসি) নজরুল ইসলাম বলেন, পুলিশ ঘটনাস্থল পরিদর্শন করেছে। দুষ্টকারীদের শনাক্ত করে গ্রেপ্তারের চেষ্টা চলছে।

এ বিভাগের আরও খবর



সার্ভার হ্যাক করে এনআইডি-সিভিআরসহ গোপন তথ্য সরবরাহ, যুবক গ্রেপ্তার
নওগাঁর মাদ্যায় নির্বাচন কমিশনের সার্ভারে সংরক্ষিত নাগরিকদের ব্যক্তিগত ও গোপন তথ্য সংগ্রহ করে অর্থের বিনিময়ে সরবরাহের অভিযোগে মো. আব্দুস সালাম...



যৌতুকের জন্য গৃহবধুকে হত্যার অভিযোগ পরিবারের, গ্রেফতার দাবি
নীলফামারীতে যৌতুকের জন্য নাছরিন নাহার (৩৫) নামে এক গৃহবধুকে পরিকল্পিতভাবে হত্যা করা হয়েছে বলে অভিযোগ করেছে তার পরিবার। এ ঘটনার জড়িতদের প্র...



হাইকোর্টের নির্দেশে ইসলামী রীতিতে শুভ চন্দ্রের দাফন সম্পন্ন
অবশেষে হাইকোর্টের নির্দেশে ইসলামী রীতি অনুযায়ী দাফন করা হয়েছে ধর্মান্তরিত শুভ চন্দ্র দাস ওরফে মো. বিল্লালের মরদেহ। রোববার রাতে নারায়ণগঞ্জ নগর...



পদ্মায় নিখোঁজ ছাত্রদল নেতা রকির মরদেহ উদ্ধার
কুষ্টিয়ার ভেড়ামারায় পদ্মা নদীতে নৌকা ভ্রমণে গিয়ে হাড্ডিগু রিজের পিলারের সঙ্গে ধাক্কা লেগে নিখোঁজ স্বিনাইদারের শৈলকুপার পৌর ছাত্রদলের সদস্য...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/saradesh/shishur-mathay-pistl-thekiye-dakati-badha-deoyay-jubkke-guli>